



Ямде лий

ВЛКСМ МАРОБКОМЫН ОРГАНЖЕ
АДРЕС: Йошкар-Ола, Магистский урем, 45, „Ямде лий“ редакций.



Первый Созыв РСФСР Верховный Советын IV Сессийже шке пашажым пытарен

1941 ийлан РСФСР-ын государственный бюджетным пентгидемдыне нерген докладштыже РСФСР Финансе калык комиссар А. А. Посконов йолташ теве мо нерген ойлен:

1941 ийыште Республика 24 миллиард 988 миллион тенге доходым налшаш, 24 миллиард 978 миллион тенге расходоватлышаш.

Республикысе государственный бюджет ередстван 40 процентше наре калык образованийын кулешыжлан колталтеш. 1941 ийыште РСФСР-се школлаште 20 миллион угла йоча-шамыч—умасе деч 900 тужем энган шуырак тунемаш туналыт.

Бюджетын чырык ужашыже наре—5 миллиардат 533,1 миллион тенге калык здравоохраненийлан ойыралтеш. Тиде средства больницылаште 9.640 у койкым ешараш, йоча яслылаште верым 45 тужемлан шукемдаш, йоча консультаций ден больница-шамычым ятыр шукемдаш йоним пуат.

Сессий 1941 ийлан РСФСР-ын государственный бюджетше нерген законм—ик йук дене пентгидемден.

Сессий шке пашажым 5 апрельыште пытарен.

14 апрельыште Великий поэт В. В. Маяковскийын колымжлан 11 ий темеш



В. В. Маяковский

Ямдылалт

Тый йолташ,
ит мондо
заграничым,—
Нуным шыкышт
шумалтеш
Совет умбаке.
Мланде вк
лап лийын
колышт,
пограничник,—
Шпор эше
ок йонго мо
Деникин валне?
Генерал Шкуро
ала куга,
ала руданше шем
курокшым йышт йолта?
Пленшым налме эн деч
Йодышт вал чылам,—
Чемберленмытын эллаште
сай мо илаш пашазылан?
Врангель кызыт
ангел-влак кампаныште
улеш.
У Врангель-влак кашакым
Англий погылеш.
Броненосец-шамыч дене
толкын онгым шенгын,
Арам мо
Англий
Балтийскыш
шукеш нержым?!
Дипломат-влак
пылгыжмаш пеледышла гыч
Газ-мардеж
огеш пуал мо
мемнан ваке?
Ончен нал,
вискале
да шоналте,
Уло лудыкш,—
шке ужат тый.
Пыл валанже
ышташ огыл
кадрильым,—
Шканже
Антанта ышта
эскадрильым?!
Капиталын экспресше
сумырлымашке чыма.
Но вашке мо?
Скоростылан—
начар ушар!
Авырымаште
элла улеш пока—
йыр заводчик ден
банкир-жый пий-втак.
Уэш
буржуй-влак толын
ынышт керт манын,
тый шого
ямдылалтын эсеак!
Таче
ончылгочак, оборонным
пентгидемде талын.
Советский элын
оборонным тапте чотак.
В. ЭЛМАР кусарен.



Мишан звеножо

6-шо „А“ классыште Порфирьев Мишан звеножо—весела звено, тушто паша шолеш. Пионер-шамыч дружный улыт, нуно шке нергенышт гына огыл, а кажне пионер сай тунемше, отличник лийже, манын тыршат. Садланак нунын звеношто ик начар отметкат уке, чыланат сайын да отлично тунемат. Миша шкежат примерым ончыкта, тудо отличник.

Кызыт Мишан звеножо испытанийым сайын да отлично сдатлаш обязательством налын, нуно шошо испытанийлан шукертак ямдылалаш туналынат.

Адак нуно общественный пашаштат примерный улыт, чылан гаяк рукодельный кружокышто участвоватлат, тур турлаш пеш йоратат. Теве Порфирьев

Миша гын, тувырым турлен, тиде туржб йоча художественный олимпиадыште ончыкталтеш.

Тыгак Колобова Нинан звеножат пашам сай ышта, нунын звеноштышт начар тунемше уке. Нунын звеношто ик пионерынат йонгылыш пашаже, ситыдымашыже вниманий деч брдыжеш огеш код. Теве ондак ик пионер шкенжым арун ок кучо, лавран коштеш, школышко шургым мушде толеш ыле. Тудын нерген пионер-шамыч сборышто кутыренят, „Костер“ луман пионерский пырдыж газетыш возенят. Тыге нуно шке йолташыштым торлатенят.

А. Н. Ворончихина,
Мари-Турекский район,
Мари-Турекский заводско средний школын старший вожатыйже.

Мемнан пашана

Мемнан пионерский организационный изыак огыл, чылаже 220 пионер уло.


Школым ончык верым лукмаш верч, тудын чылаше верч кучдалмаште мемнан пионер-шамыч моло йоча-шамычлан примерым ончыктен шогат. Тиде пионер-шамыч коклаште начар отметка шагалеми гыч да ударник, отличник-шамыч шукемме гыч коеш. Икымше чырыкыште 220 пионер гыч 72 пионерже начар тунемат ыле гын, кумышо чырык пытымашеш 49 тунемшышт начар отметкыштым пытарен улыт. Икымше чырыкыште 23 пионер ударник да отличник велз ыле гын, кызыт 50 углаже ударник да отличник улыт. Кажне звено, кажне пионер налме обязательством шукташ тыршат. Милотин Вгорын да Воронцова Мариян отрядышт тунемме пашаште эн сай результатом ончыктенят. Пытартыш жапыште пионер-шамычын дисциплиныш-

тат, посещаемостьыштат поснак саемын. Теве первыйрак Волков Аркадий школыштыт, урмыштыт шкенжым пионер семын огеш кучо, грубитла ыле. Красноперов Алексей кечым коден, прогулым ыштен коштеш ыле. Нунымат пионерский отряд торлатен.

Пионер-шамыч общественный пашамат куанен ышта. Мемнан пионер-шамыч шкенан родинам аралаш ямдылат кучкыт. Нуно оборонный кружок пашаште активно участвоватлат: ятыр пионер-шамыч телым лыжный да химический соревнованиялаште участвоватленят. Химический соревнованийыште сай результатом ончыктымалан Осоавиахим райсовет мемнан школын почетный грамота дене пбдклен.

С. А. Градобаева,

Косолаповский район,
Елевский средний школын
старший вожатыйже.



БГСО значкист, отличник-шамыч (школа гыч пурлашке):
Мажышева Лилия, Погадаева Галя, Москвина Клава да Погадаева
Кара. Нуно Йошкар-Оласе 4 номеран школышто тунемат.

Фото М. Чуршукоева.

Марий йылме ден литература да руш йылме ден литература дене испытаний нерген

15 мартыште лекше „Ямде лий“ газетеш ме испытаний могай класслаште могай предмет дене эртаралтме нерген печатленна ыле. Тиде чыла школлашат касатла.

Но РСФСР-се руш огыл школлаште шочмо йылме ден литература да руш йылме ден литература дене испытаний изиш вес семырак лиеш. Марий школышто тунемше-шамыч марий йылме да литература денат испытанийым кучат.

4-ше классыште—марий йылме дене (письменно—диктант лиеш), руш йылме дене (устно).

5-ше классыште—марий йылме дене (устно да письменно—диктант), руш йылме дене (устно).

6-шо классыште—марий йылме дене (устно да письменно—диктант), руш йылме дене (устно).

7-ше классыште—марий йылме дене (устно да письменно—чыла правилыланат диктант), руш йылме дене (письменно—изложений).

8-ше классыште—марий йылме ден литература дене (письменно—сочинений), руш йылме да литература дене (устно).

9-ше классыште—марий йылме ден литература дене (письменно—сочинений), руш йылме да литература дене (устно да письменно—сочинений).

10-шо классыште—марий йылме ден литература дене (устно да письменно—сочинений), руш йылме да литература дене (устно да письменно—сочинений).

Марий да руш литература дене сочиненийым возаш кум тема пуалтеш. Тунемше-шамыч шке шонымышт почеш ик темым ойрен налын, сочиненийым возат.

Тыланде руш йылме, литературный лудмаш да руш литература дене испытаний теве кузе лиеш:

4-ше классыште—лудаш, лудмо почеш туныктышын пумы йодышлан вашмутым пуаш; 5 ден 6-шо классыште—лудаш, мо лудмым каласкалаш да грамматический разборым ышташ; 8,9,10-шо класслаште—грамматика да литература дене йодыш-шамыч.

Советский Союз ден Югославий конклаште келшымаш да нападатлаш огыл нерген договор

5 апрельыште Москваште Советский Союз ден Югославий конклаште келшымаш да нападатлаш огыл нерген договорым ыштыме.

СССР лум дене договореш В. М. Молотов йолташ, Югославий лум дене—М. Гаврилович, Божин Симич ден Д. Савич подписаеныт.

Тиде договорышто Советский Союз ден Югославий икте весышт умбак нападатлаш огыл да икте весыштын независимость-

ым, суверенный права ден территориальный тичмашлыкыштым пагалаш, манын мутым пуэныт.

Югославий умбак иктаж-могай вес эл керылтеш гын, СССР Югославий дене келшен илымаш отношений политикым шукташ туналеш. СССР умбак иктаж-могай эл керылтеш гын, Югославият СССР дене келшен илымаш отношений политикым шукташ туналеш. Договорым вич ийлан ыштыме.



Великий летчик нерген фильм

Те Валерий Павлович Чкалов — мемнан жапысе великий летчикым чыланат паледа. Шукерте огул тудын нерген „Ленфильм“ киностудий фильмом луктын. Тиде фильмыште Валерий Павлович кузе лүд-дымб летчик лиймыже нерген, самолет-шамычым испытатлымыже да Северный полюс гоч Америкыш миен толмыжо нерген путырак сылын ончыкталтеш.

Авиационный пайрем. Аэродром калык дене темын. Трибунышто Сталин, Орджоникидзе да молат. Каваште кок истребитель — шамыч коклаште

далтен парашют дене төрштен отыл?

— Тыгай машина кудалташ... Сталин йолташ, тиде вет опытный машина, тудо миллионным шога, — ойла Чкалов.

Сталин серьезно, эркин: — Тыгай илышет, летчикым илышыже, мыланна кеч могай чапле машина деч шерге...

— Но мый истребитель, мый тыгай боевым боецлан признатлем, кудо колымашым ужеш гынат, кая да шкенжым чаманыде жертвоватла.

Сталин Чкаловым мужественный чурыйжым ончен куанен, ойла:



„Валерий Чкалов“ кинофильм гыч ик сүрөт.

„бой“ кая. Ик истребительжым Чкалов вктара. Но тудын вктарыме машинажын шассиже шке верышкыже шинчын окерт. Ик шасси дене волен шинчаш гын, катастрофа лийын кертеш. Чкаловлан машина кудалтен, парашют дене төрш-таш куштат. Но тудо машина кудалтыде чаплын волен шинчеш.

Аэродромышто „ура“ кычкырыме шергылтеш.

Сталин ден Орджоникидзе Чкалов дек толыт. Сталин Чкалов деч йодеш:

— Молан тый машина кудал-

— Ынде тый йоршына: сайын огул каласенат...


— Колаш вашке лиеш, Чкалов йолташ. Ме тыгай ен-шамыч верч, кудо илышет, кучедалвешт, тушманым сенгешт...

Фильмыште Сталин рольым Сталинский премийын лауреатше артист — орденоносец М. Геловани, Чкалов рольым РСФСР-н заслуженный артистше В. Белокуров модыт.

Фильм чапле. Те, йоча-шамыч, тудым ончыза. Кызыт тиде фильм Йошкар-Оласе „Рекорд“ кинотеатрыште ончыкталтеш.

1941 ийыште мо ышталтеш

ВКП(б)-н XVIII конференцийже 1941 ийлан калык озанлык кушмо планым пенгыдемден. Тачысе номер гыч тунгалы, ме кажне номереш тиде план почеш 1941 ийыште мо ышталтме нерген печатлаш тунгалына.



38 миллион тонн газан нефтьым лукташ — нефтяник — шамычын задачышт. Тынар нефть кок метр келгытан, 50 метр кумдыкан, а кутыш дене Москва энгорнаре (502 километр) кутышан эгерым ыштен кертеш. 1941 ийыше ик минутыште гына 16 тонн нефть лукталтеш.

Теве кок курык Иктыжын лүмжй уке. 1941 ийыште Советский шахтылаште лукталташ 191 миллион тонн мланде шуйым иктыш ушен, курык семын оралаш гын, тудо 5.400 метр кукшытан — Казбек курык дечат кукш лиеш ыле (курык основаныйын окружностьшо — 1 километр).

Семен Бойченкон у мировой рекордшо

СССР спортын заслуженный мастерже орденоносец Семен Бойченко 5 апрельыште уэш у мировой рекордым установит-

лен. Тудо 100 метрым брасс стиль дене 1 минутат 5,8 секунд жапийн каен. Тошто рекордшым 0,8 секундан саемден.

Звениговский район, Кужмарский НСШ гыч письма-шамыч



Юный натуралист



Тушто чылаже 51 юный натуралист-шамыч улыт. Нуно кум тушкалан шелалтыныт: ик тушка — юный метеоролог-шамыч, весе — опытник-шамыч, кумышо — животновод шамыч.

Метеоролог-шамыч онгай пашам ыштат — нуно ийгечым эскерен шога. Ноябрь тылзе годсек мардеж кушеч лумым, температура могай улмым, ийгече могай — пылан, ояр, йуран, але лум лумеш — нуно эскерен дневникыш возат. Тиде пашам ышташ кече еда дежурный лиеш. Тудо эрдене, кечывалым да кастене эскерымашым ышта.

Кунам лум шулаш тунгалы, корак, чага кунам толыныт, кунам кузвуд йогаш тунгалеш, колхозник — шамыч кунам удаш лектыт, первый кудырчан йур кунам лиеш — теве тыгай фенологический наблюденийм кажне юный метеоролог ышта.

Нуно чылаже 81 тыгай явлением эскераш тунгалыт.

Опытник — шамычынат паша планышт пеш интересный.

Йоча-шамыч пеш шинчат: томатом эр шошым уден, мланде кошкыме-как пакчаш луктын шындет гын, помидор вашкерак



шуэш. Но южгынам тыге ондак удыеке йушто толешат, йуштым чытен кертдыме ужар томатом чылт локтыл кая. Чучкыдын шошым огул гын, эр шыжым — август мучашыште, сентябрь тунгалышыште — первый йушто денак помидор локтылалтеш. А томат йушто деч ынже лүд манын иктаж кузе ышташ ок лий

мо? Вот тиде пашам опытник-шамыч шошым тунгалыт. Республикыштына черный паслен манмешук шудо кушкеш. Тудо йушто деч ок лүд. Черный паслен октябрь марте пелед шога. Йоча-шамыч решитленят: томат ден черныи пасленым скрещиватлен ончаш, йуштым чытыше помидорым лукташ. Кнаев Архип ден Смирнов Василий черныи паслен нбшмым муын кондышт, помидор нбшмат уло. Шошым скрещиватлаш гына кодаш.

Опытник — шамыч шке школьный участкешыт арбузым, соям, кок сагызым, шуко яш шыланым, ик ийыштак олмам пуышо олмпуым, редисым, чуфым, молатым удаш тунгалыт. Нуно мемнан республикысе условияштыт тыгай емыжым, саскам, пырчым налын, колхозлашке шараш шонат. Арбуз томым Исаева Ира ден Халтурина Ав-

густа, молат конде-ныт, соя нбшмат 500 грамм уло. Мо-лыштым юннат-шамычын Централь-ный Станцийышт Москва гыч колта.

Кужмараште шыжымлан средний школан кок пачашан у портым ыштат. У школышто чыла класслаштыт пеледыш-шамыч лийышт манын, каже юннат коктыт деч шагал огул пеледышым ончен кушташ мутым пуэн. У школым эше ыштат велэ, а юный натура-



лист-шамыч лум каймеке тудын мланде участоштыжо пашам ышташ тунгалыт.

Иван Федотов.

Звениговский район, Кужмарский НСШ



Тракторым виктараш тунемына

Онгай кружок

Кодшо шыжым физика дене тунуктышо Андрей Васильевич Исаевын тунгалыже почеш мемнан школаш тракторный кружок почылто. Андрей Васильевич шкенан Кужмара селасе МТС-ыш миен, кружокушто тунукташлан иктаж егым ойраш йодын. МТС тунамак старший механик Бурковым ойырен. Тыге октябрь тылзыште мемнан кружокушто занятий тунгалеш. Кызыт кружокуштына 27 ег. Чыланат занятийш куанен коштына. Ме тракторын ужашыже-шамычым: шатуным, коленчатый валым, маховикым, картерым, карбюраторым, молатым — чыла тунем лекна. Ынде ме тракторын ужашыже-шамычым раш палена. Физика денат мыланна тунемаш куштылгырак. Кружокушто ятыр йоча-шамыч сай да отлично тунемат. Теве Локанеменко Женя оценкыже-шамыч „отлично“ ден „хорошо“ гына.

Шукерте огул ме МТС-ыш кошташ тунгална. Тушто тракторым заводитлаш тунемым, тракторист-шамычын пашашт дене знакомитлаштына. Но але тракторым виктараш тунгалына онал. Ме тидым чытен кертде вучена. Вет первый гана трактор умбак кузен шинчын, тудым шке виктарея нангаена!

СОФЬА ВОЗДВИЖЕНСКАЯ, кружокуш старостаже.



Танкист лиям

Кугу куанымаш дене мыят тракторым тунемам. Кажне занятияштыште мом тунемым конспектироватлем, тунуктышын кажне шомакшым внимательно колыштам. Мый чытен кертде вучем, кунам трактор умбак кузен шинчын, тудым шке виктараш тунгалам. Тракторым виктараш — могай пайдале паша! Кө тракторым виктарен мошта, тудлан танкымат виктараш тунемаш йбсб огул. Ййготем шумек мыйт Йошкар Армиийыш каем.


Н. Николаев.

7-ше классыште тунемше.

Колхоз пасушко

Вашке кружокуштына практический занятий тунгалеш. Тиде — мыланна испытаний. Испытанийым чыланат отлично да сайын велэ сдатлаш мутым пуэн улына. Мыйт отличнылан сдатлаш шонем. А варажым, тракторым виктараш йбрышын тунем шумек, Чувашский АССР-ыште, Украинский ССР-ыште йоча-шамычын кодшо ийын колхоз пасулаште трактор дене пашам ыштымышт пример почеш, мыйт-шкенан колхозын пасушто пашам ышташ тунгалам.

Алексеев Миклай.



Йошкар-Оласе Пионер порт пеленсе авиамодельный кружокушто авиамодельным ыштат.

Мемнан живон уголокш



Юннат-шамыч (шолла гыч пурлашке): Казанцев Алеша кол чучелым, Шабдаров Павлик ден Кельдыбаев Илюш наглядный пособийым ямдылат. Туныктышо В. М. Мамаев нунын пашаштышт полшала.

Мемнан живой уголокна

Юннат кружокын живой уголокшо уло. Уголокшты посна класс-шамычын программный материалштылан келышын түрлө растений-шамыч дене ыштыме гербарий, насекомый - шамыч дене ыштыме коллекций, животный-шамычын чучелым да таблица, схема-шамыч улыт. Нуно чылажат тунеммаште пеш күүлеш наглядный пособий улыт, материалым келгын пален налашлан кугун полшат. Естественный урокна наглядный пособий деч посна огыт эртаралт. Санденак ме



наукым йбратае тунеммашта да сайын умылен толына.

Живой уголокшты кажне кечын кок юннат-шамыч дежурный лийыт. Нуно уголокшты температурым, яндарлыкым эскерат, растенийш вудым шават. Василий Михайловичын вуйлатымже дене юннат-шамычын живой уголокшо түрлө растений, животный чучел, гербарий, коллекций, таблица, схема-шамыч да моло күүлеш наглядный пособий-шамыч денат пайдалантеш.

МАКОВЕЕВА АНУК.
6-шо "Б" класс.



Школын живой уголокштыжо кажне кечын кок ег дене дежуритлат. Снимкыште (шолла гыч пурлашке) Казанцева Настя ден Мамаева Зоя живой уголокшты дежуритлат.

Таблица ден схема-шамычым ямдылем

Школыштына ончыч таблица ден схема-шамыч ситышын уке улыт ыле. Садлан мыланем Василий Михайлович ботаника да зоологий дене таблица ден схема-шамычым ыштылаш пуыш. Мый тиде пашаш куанен пижым. Кызыт мый ботаника дене "Растительный мир", "Размножение смородины отводками" да тулеч моло таблица-шамычым ямдыленам.

Чынак, таблица почеш тунемме материалым келгын умылаш лиеш. Садланак ме тунемме пашаште наглядный материал-шамычлан (таблицым, схемым, тулеч молымат) кучылтына. Мый кызытат таблица ден схема-шамычым ыштылам. Тудын почеш зоологий ден ботаникым келгын умылен тунеммам. Адак йолташем-шамычлан тунемме материалым умылтараш полшем.

Казанцев Алексей,
Юннат кружокын старостаже.
7-ше класс.

Юный натуралист кружокын пашаже

Мемнан Мустаевский НСШ пелен 1938 ийыште юный натуралист-шамыч кружок организават лалтын. Юннат-шамыч кажне кенжежым школьный участкыште, питомникыште олмалум прививатлат, шындыме сад-шамычым ончат, тушко поливатлат. Шыжым, телым да кенжежым погымо түрлө растений дене гербарийым, насекомый-шамыч дене коллекцийым да адак таблица дене схема-шамычым ыштылат.

Кружокышто ончычын 4-5 активный член велз ылыч. Кодшо 1939-40 тунемме ийыште живой уголокштан посна пöбöм

Тиде странициште Мустаевский НСШ-се (Сернурский район) юный натуралист-шамыч кружокын пашажым ончыктена. Кружокым орденоносец В. М. Мамаев вуйлата.

Юннат-шамычын чапле пашаштым тений Все-союзный ял озанлык выставкыште ончыкташ на лемдыме.

Футляр ден рейка-шамычым ыштем

Мый насекомый да чучел (тушка)-шамычым ара-лашлан, янда комдышан футляр-шамычым ыштем. Адак түрлө наглядный пособий-шамычым сакалашлан рейка-шамычым ямдылем. Футлярым, рейкым ыштымек, сайын чичалтен шындем. Вара тушак наглядный пособий-шамычым пудалена. Тыге ыштыме дене мемнан наглядный пособийна шала-ныл огыт пыте.

Мый первобожо футляр-шамычым ыштен ом мошто ыле. Но Василий Михайловичын ончыктылмекыже вашке тунемым. Кызыт мый Все-союзный ял озанлык выставкыш колтышам экспонат-шамычлан футляр ден рейка-шамычым ямдылем. Тиде пашаште моло юннат-шамычат полшат.

КЕЛЬДЫБАЕВ ИЛЮШ,
7-ше класс.

Юннат-шамычын пашашт

Ме кенжеж еда школьный участкыште кажне кечын дежуритлена. Тениат дежуритлаш тунгалына. Садыште шук-шудым эрыктена, вудым оптена, школьный участкыште улшо садым сайын ончен куштена, локтылатме деч эскерена.

Теле шумекат участкыште паша ок пыте. Ме телымат садым онченна. Олмапу-шамыч йыр думым чумырен улына.

Тений кенжежым школьный участкыштына пашам эше утларак сайын ышташ тунгалына.

Паймакова Пелагея,
6-шо "А" класс.

Наглядный пособийым ямдылена

Ик гана зоологий урокышто раке-шамыч нерген тунемме годым раке пешак кулеш лийын. Садланак тиде урокышто Василий Михайлович мыланем да Элембаевлан ракем кучен кондаш шудыш.

Рушария кечын Элембаев дене коктын коремыш раке кучаш кайышна. Тушто ме шуко ракем кучышна да школышко кондышна. Василий Михайловичын полшымо дене 12 ракем препаратлаштына.

Шабдаров Апполон,
7-ше класс.



Юный натуралист-шамыч кружокын членышт. Покшешле кружок вуйлатыше учитель-орденоносец Василий Михайлович Мамаев.

ойрымек, пашам ышташ утларак сай условий лие. Школьный участкыштына пашам сайын шындышна да түрлө, учебно-наглядный пособий-шамычым шке гычак ыштышна. Кружокын сай пашажым ончен тунемше-шамыч юннат кружок йыр шукарак да шукарак чумыраш тунгалыч. Кызыт кружокын 23 активный членже уло. Нуно чыла-нат сайын тунемит, дисциплинированы й улыт. Общественный

пашам активно ышташ. А тыгай лияшыже нунын живой уголок пырдыжыште кечыше:

"Только тех, кто любит труд, никогда не ленится, пионерами зовут, юными ленинцами".

манын возен шындыме лозунг ужеш.

Юннат кружок пашажым план почеш ышта. Кажне тылзылан паша план уло. Юннат-шамычын чапле пашаштым ужын, кызытат ятыр тунемше-шамыч кружокыш пу-



Снимкыште (пурла гыч шоллашке) Шабалин Вася, Казанцева Настя да Паймакова Пелагея, живой уголокшты гербарийым ышташ.

Чыланат прививным ыштен моштена

Мый юннат - шамыч кружокыш 1940 ийыште пуренам. Ончычшо прививным ыштен ом мошто ыле. Но Василий Михайлович чыла пашаланат тунектыш. Тудо мемнам пагала, ме тудым пагалена. Вет тудо уло кумылжым пыштен мыланна шинчымашым пуаш тырша. Садлан ме чыланат түрлө пашалан тунемын шуын улына.

Ынде мый прививным сайын ыштен моштем. Прививка ышташ нелз огыл. Ик түрлө олмалуан весе дене прививным ышташ лиеш. Мый адак вишным ломбо дене прививатленам. Укшым пучкын, ушен шындымек, замаска дене (шыште денат лиеш) пыжыктен шындына. Тыге клеитлет гыч, прививка ыштыме верыш юж ок пуро. А южым пурташ ок кул.

Ме юннат-шамыч чыланат прививным ыштен моштена.

Шабдаров Павел,
7-ше класс.

раш йодмашым пуат. 1936 ийыште чара пасуэш Мустаевский НСШ-лан у пöртым ыштыме. Но юннат-шамычын пашам тыршен ыштымышт дене школа йыр чапле садым шындыме. Кызыт школьный участкыште сирень, акаций да молат улыт. Нуно умаште пеледалтын. Саскам пуышо садлан ик гектар мландым ойырым. 0,4 гектареш чылаже 47 олмалным, нунын кокла гыч 36 олмалужым тыгалай способ дене, 11 олмалужым Кизюрин профессорын способшо дене шындыме. Адак 0,3 гектар площадеш шоптыр вондым шындыме. Нуно умаште саскам пузыт. В. М. Мамаев, Юный натуралист-шамыч кружок вуйлатыше, учитель-орденоносец.

Гербарий ботаникым тунеммаште кугу полыш

Умаште кенжеж каникулыш кайем годым Василий Михайлович каникул жапыште гербарий-шамычым ямдылаш заданным пуыш. Нуно тыландат, тыгак тендан почеш тунемме - шамычланат пеш күүлеш лият, мане тудо. Тиде заданным мый түр-рыс шуктышым. Түрлө шудо, пеледыш-шамычым школыш поген кондымек коштен, кагазеш сайын урген шындышым. Кызыт нине гербарий-шамыч ботаникым тунеммаште кугун полшат. Санденак ме тиде предметым келгын-



рак, умылена, йбратае тунеммашта.

Гербарий-шамычым ыштылаштыме мыланем Мамаева Зоя, Мамаева Евгения, Паймакова Пелагея, Кузнецова, Мустаева да молат полшат.

Кенжежым растений-шамычым семейство шот дене шындылаш мемнан посна участкына уло. Тушак ме түрлө растений-шамычым кушташ тунгалына. Ме кажне участкыш 2 юннат гыч пенгыдемлена. Кенжежым тушто дежуритлаш тунгалына.

СЕМЕНОВА НАДЯ,
6-шо "Б" класс.



Зоологий урокышто тунектышо В. М. Мамаев тунемше-шамычлан шуки нерген умылтарат.

Материал-шамычым Ф. Дмитриев организаватлен.

Анатолий Айзенворт

Ойлымаш



Тиде историй эше ўмаште шошмак тўғалди.

Мотор ямде верыште, энгер сержыште шке шочмо ялыштыже изи Эчан илен.

Ыле шошо... Эчан кочкын-йүмек, сумкам налын школыш каяш лекте. Чодра шенгеч кўзышбөкче шыр-р ончен пелта. Каяш гыч лектын, Эчан школыш каяш тўғале. Кенета "Тюнг-тунг, и-и-у!" шўшкатыме шоктыш. Эчан ончала—кўз вуйышто, шемкандын йылгыжын шырчык шинчылтеш. Муралтен-муралтен шўлдыржым чытырыктен пералта, шем шер пырче гай шинчаж дене Эчаным ончалеш.

— Иоча-шамыч! Иоча-шамыч! Шырчык! Шырчык!—Эчан ала мо семин йывырген кычкыра.

— Кушто? Кушто?—тиде жапыште уремш лекше мола йоча-шамыч Эчаным йывыргыше йўшым колын кычкырат.

— Шырчык толынат шуын, а ме тудлан эше шырчык омартажымат-ямдыленжана шукто, — Эчан йолташ-шамычшылан бйкелыше йўк дене ойла.

— Тачак! Тачак ышташ пажына! Эша икте велз толын. Тидеже изини вучалта, мыланна ок сыре, очыни, — чыланат шырчыкым ончен, кумыл нолтын ойлат.

Иоча-шамыч школыш куржык. Вес кечын эрден Эчанымтын прогалыште кушшо кузште, у шырчык-омарта сакалте. Шырчык шуко вучаш ыш тўғал, "чиок-чиок" шўшкатыш да "йўргык" гына шырчык омарта рожыш пурен кайыш.

— Ну, шырчыкем, пўргым тыланег-ынде ыштен шуктышна, ынде тек иле, — манан Эчан шоналтыш да школыш куржын колтыш.

Жап эртенек эрта. Лумат шошо кече дене шулен кайыш, озымат жаргын коеш, чодрат узмын. Канде каваште изи сур турйишке сылне мурыжым мура. Чыла илыше, пўгын, пўртус помжалтын.

Эчаным шырчык омарташтыжат шырчык шкаланже йолташым мун, икшывым пўктен луктын тўрлб насекомый-шамычым, нунын личинкышым чарныде нумалеш. Эчан кече еда шырчык ешын илышжым онча, орола. Оролдежат ок лий. Ик гана пошкудын шем, чоя ужар тулгай шинчан пырысыже, шырчыкын игыштым луктын нелжеже ылат, йбра тудым Эчан ужат, тоя дене челынак чыштырен колтыш. Тидеж вара Эчан эре эскерен гынат, пырыс шырчык-иге-шамычын ача-аваштым кочкын. Шырчык иге-шамычымат кочкеш улмаш очыни, омарта рож кўшнб ыштыме дене тудын писе кўчан копаже ыш шу. Шырчык иге-шамыч тулыкеш кодыч. Кече мўчокушкен кычкырылт, кычкырылт да нарынче изи вуйыштым кумык сакен шыланышт. Кб нунын ойгылан полша? Кб нуным пукшаш йўкташ тўғалеш?

Вес кечын эрдене Эчан кыне-лен окнам пчын шырчык омартам ончен шинча. Шырчык омарта воктен шыл. "Мо тыгай? Шырчык-шамыч куш йомынат, огыт коштеде?" Час угла ончен шинчаш. Уке огыт кой. Эчаным шўмжылан ала молан "чуй" чучын, чонжат пудыранен кайыш. Писын гыла пўрт гыч лектын, куз вуйыш кузен кайыш. Шырчык омарта леведышым эркин, эскерен почо, онча—шырчык иге-шамыч колышо кият, визыт гыч иктыже гына вуйым изини тарвателеш. Эчан тудым пеш эскерен гына омарта кўргб гыч лукто да мўгшышкыжб нангайыш.

Тиде кече гыч Эчан тулык шырчык игым пукшаш, йўкташ тўғале. Шырчык вашке тырлыш. Эчан шижынат ыш шукто, тудын воспитанникше пўрт мўчо, чарга йўк дене кычкырен торштылаш, а варажым чонгештылаш тўғале. Шырчык Эчан деч ни-гушкат ок ойырло. Эчан-кочкеш—шырчык вачышкыже. Эчан модаш

кая — шырчык почешыже чонгештен лекте. Тыге Эчан ден изи шырчык тан лийын илат.

Эчан кийшкыштат лудыч, биолог Александр Иванович дечат шырчыкым ойлаш туныктен шуктымо нерген колын. Тиде шонымаш Эчан вуйышко пенгыдынак шинче. Эша шошмак Эчан тудым шке лўмжым ойлаш туныкташ тўғале. Кажне гана кочкаш пумо годым шке лўмжым пачаш-пачаш ойлен сийла: — На Эчан деч, Эчан.



Шырчык тудым онча, а Эчан тудын дек лап лийын эша-вес пачаш ойла.

Аваже тудым воштылеш: — Кай, эргым, ала мом толает. Мо тиде айдеме мо — кайык!

Эчанже: — Вот кайыкымак вет, ойлаш туныктат.

Ик гана кенгежым эрдене, кечат кудвече окнаш пурен шуын огыл ыле, Эчан помжалте. Шырчык Эчан деч ончыч кыне-лынат, окнаште карме-шамычым поктыл коште. Эчаным кыне-лышчыжым ужо да торштыл миен шўйжым шўйдарен "тўйт-тўйт! И-и-и-и!" мане.

— Мом, мом? — Эчан малыме вергычше торштен кыне-лен кычкыра. — Кузе, кузе?

— И-и-и-и! И-и-и-и!—шырчык торштыл вес пачаш йўкым лукто.

— Ну вот кутыраш тунемынна! Только "И-и-и-и" огыл, а Эчан! Сейчас кочкаш шинчына!—Эчан йывырген кычкыра да шўргб мушкаш куржын лекте.

Эчан шырчыкынанже Вичи лўмым пузи. Шыже мартен Эчан шке воспитанникшым эше кумыл мутлан туныктен шуктен. Кеч кунамат Эчанымтын ешыжын кочкаш шинчышт годым Вичиат Эчан вачыштыже шинчылтеш.

— И-и-и-и! И-и-и-и! Коч! Коч! Кенгеж эрташ тўғале. Шыжат лишемеш. Пушгыллаште дышташ-шамыч оралгаш тўғалыч. йўдат кужу лие. Эчаным Вичиже жапын-жапын йўдлан йомаш тўғале. ик гана кок кече годым толын огыл. Эчан ойгыра. Ачаже тудым дылаландар:

— Ит ойгыро. Тудо нигушкат йомын огыл, тудо йолташ тўшкашке гына каен. Кызыт шыже. Вашке нуно тельлан шокшо эл-лашке каяш тарванат.

Вес эрден Эчан дек Александр Иванович пуреш.

— Ну, Эчан, ученый шырчык кет кузе ила?

— Ила, Александр Иванович. Ойлаш тунемеш. Эй, Вичи, Вичи! Куш йомынат?

Почмо окнаш Вичи чонгештен пуреш да кычкыра:

— А-и-и-и-и! И-и-и-и! Салют! Салют!

— Орат велз!—Александр Иванович носбвик дене очкижым ўшташ тўғале.—Да-а! Шырчык ученый гынат, вашке тудлан каяш жап шуш. Египетш але мўндыр Италийш Вичиет йолташышт дене пырля чонгештен кая.

— Александр Иванович! Вичи тельлан Италийш кая вет?

— Очыни, Италийш. Вара мо?

— Вет Италийштит йоча-шамыч шырчыкым чот йоратат?

— Италийш мый миен омыл, но конешно, йоратат!—Александр Иванович воштылеш.

— Мый, Александр Иванович, Италийш йоча-шамычлан сала-мым колтем.

— Кузе?

— А мый иктаж итальянский мутым тудлан туныктен колтем. Тый мыланем каласет вет?

— Каласаш лиеш... да мом. Александр Иванович сангажым куптыртылеш.—Да! Вот: Вива Италия.

— Виваже мо лиеш?—Эчан йодеш.

Вива—тиде "да здравствует"—вива лийже манме лиеш.

— Вот тиде сай! Мый тудым тачак туныкташ тўғалам.

Тудо кече гычак тўғалеш. Эчан Вичим итальянский йылмылан туныкташ тўғале. Кум ар-няште Эчан тырышме дене Вичи пеш раш: "Вива Италия! Вива Италия!" манаш тўғале.

Сентябрь тылзыште, туныкташ тўғалмеке, ик гана биологий урокышты Александр Иванович йоча-шамычлан ойла:

— Иоча-шамыч! Эчаным туныктым шырчыкше уло. Тудо вашке шокшо элалаш кая. Айста ме тудым палемден колтена. Ученый биолог-шамыч кайык-шамычын корныштым да теле жапыште илме верыштым палашлан лийын, йолышкычт изи шергашым чиктат. Тиде шергашыште кайык колтым верым да жапын ончыккат. Эчаным шырчыкше вашке кая. Айста тудланат шергашым чиктен колтена.

— Ыштена! Ыштена!—Иоча-шамыч рўж кычкыралыч.

Вес кечын эрдене Эчан той калай дене ыштыме шергашым ыштен, Вичи йолышкыжб пыжыктен конден. Шергашыште калай денак ыштыме изи, петыртышан трубочкым пыжыктен.

— Тидеже молан?—Иоча-шамыч йодыт.

— А вот молан!—Эчан трубочка гыч эскерен ош порсын ластыкым лукто. Порсын ластыкыште туш дене тыгдын гына возымо: "Вива Италия! Привет детям трудящихся Италии от пионеров СССР".

— Ну ынде тудым колташ гына,—Александр Иванович пелештыш.

Иоча-шамыч Александр Иванович ден Эчан почеш куржын лектыч. Школа шенгек гына шуыч вуй ўмбагышт "ш-у-у-у!" шўлдырчыт ден шўшкен школа шенгелыше тополь вуйыш шырчык тўшка волен шинче.

— Вот лач корно йолташышт толын шуыч.—Эчан мане да Вичи киддене кўш нблалын каласыш:




— Чеверын, Вичи! Чонгеште мўндыркб—мўндыркб шокшо элалашке. Тельым сайын илен тол, шокшо элласе шемер йоча-шамычлан саламым каласе, да шопшым адак мемнан дек пўртыл. Ме тыланет да йолташет-шамычлан сай шырчык омартам ямдылен шуктена. Чеверын!

Вичи йоча-шамыч вуй ўмба-чок гана савырышт, тополь вуйыш шырчык коклаш шинче. Изини лиймек шырчык тўшка нблалалтын кечывал велкыла чонгештен йомо.

— Чеверын! Чеверын шошо марке!—йоча-шамыч улшышт дене лўшкешен шырчык-шамыч почеш кычкырат.

(Мучашыже вес номерыште.)



Йошкар-Олам Комсомольский уремеш "Рекорд" кинотеатр воктен ышташ тўғалме 16 квартиран пўргын проектше. Фото С. Чурчуковын.

Йошкар-Олам реконструироватлыме генеральный проект

РСФСР Наркомхоз Коллегий Йошкар-Олам 15—20 ий жапыште реконструироватлыме генеральный проект принимателен. Проектше иромышленый ден жилищный строительство кугун шарлымашыже ончалтеш.

Марийский АССР-ын столицыже западный ден юго-западный могырыш шарла. Главный магистральлаште кум пачашан да ныл пачашан порт-шамычым ышташ палемдыме. Олан центрыштыже Совет-шамыч порт ончылно кугу

площадь ыштадеш. Тыштак гор-исполком порт ден городской театрым ышташ ончыктым.

Шуко сквер ден парк-шамыч олам ужартат. Кызыт улшо дре-весно-декоративный питомни-кын территорийштыже олесе культура ден каныме парк ыш-талтеш.

Первый очередь строительство жапыште ола 40 тўжем квадрат-ный метр наре у илме пло-щадым, больницым, мончам да у школым налеш.

ГРАНИЦА ВЕС ВЕЛНЕ

Германия ден Италия Югославиялан войнам увертареныт

Германия Югославиялан вой-нам увертарен, 6 апрель эрдене германский войска икмынар вер-лаште югославский границым вончен. Германский самолет-ша-мыч Югославиянын столицыже—Белград олаш да мола пункт-лашке икмынар налетым ыште-ныт.

Италият Югославия ваштареш войнам увертарен. Итальянский самолет-шамыч югославский тер-риторийым бомбардироватленыт. Югославский армий герман-ский ден итальянский вооруже-ный вий-шамычлан сопротивле-нийым ыштен шога.

Югославия Балканский полу-островысо ик кугу государство. Югославиянын территорийже—247-532 квадратный километр. На-селений 15.700 тўжем ен. Югославиянын столицыштыже—Белград ыште 265 тўжем ен ила. Югославский армий юго-восточ-ный Европысо ик эн сай армий-лан шотлалтеш.

Мобилизаций лийме годым эл 1800 тўжем боец марте луктын кертеш.

Германия Грециялан войнам увертарен

Германия Греция вашта-реш военный действииым тўғалын. Германский вой-ска-шамыч греческий тер-риторийыш север вел гыч Струме энгер лоп районыш-то наступатлат. Германский самолет-шамыч тиде энгер допышто улшо укреплений да ола ден ял-шамычым атаковатленыт.

Греческий войска про-тивник ваштареш пенгы-дын кучедалеш. Ассошиэ-тед Пресс агентствын кор-респондентшын мутшо по-чеш пале: фронтын ик участкыштыже грек-шамыч Болгария границым вонче-ныт да кызыт болгарский территорийшты кучеда-лыт.

Английский войска-шамыч Аддис-Абеба олам налыныт

Восточный Африкыште англий-ский войска-шамычын ончыл отрядышт 6 апрельште Абисси-нийын столицыже Аддис-Абе-быш пуреныт. Столицыште 160.000 ен ила. Аддис-Абеба деч северышкыда абиссинский пар-тизан-шамыч Дебра-Маркос олам налыныт.

Тиде олам сенген налмаш умба-кыже военный действииым пеш вашкен гына чарнымжым ок он-чыкто, вет итальянец-шамыч Абиссинияшты кузе-гынат шуко жап кучалт шогаш приказым налыныт.



Германия ден Англия кок-лаште война. Снимкыште: Се-верный тегызыште немецкий крейсер.

Юннат-шамыч!

Республиканский ДТС йод-мо почеш юннат кружок-шамычлан кок сагыз нбш-мым колта. Тыгай адрес дене йодын колтыман: Йош-кар Ола, В-лков урем, 83, ДТС. Кок сагыз нерген умылтарымаш шуаш номер "Ямде лий" газетеш печат-далгеш.

Отв. редактор—
П. А. КЛЮКИН.